

欽定續文獻通考

欽定續文獻通考卷十二

戶口考

臣等謹按馬端臨作戶口考備敘戶口丁中賦役而附以奴婢自夏周以迄於宋國運之強弱徵於民數之繁減自古勸民之主未有不以休養生爲亟者也馬氏所載宋時戶口南渡以後莫盛於寧宗嘉定時乃至景定間而所損過半豈非歲有敵兵敗降相繼之故耶遼時戶口大率以兩丁爲一戶有隸於五京者有隸於宮府者史志或詳或闕金制戶有數等泰和年間版籍稱極盛其後不勝調發相繼逃亡元初屢行括戶之令至世祖定戶籍之制始有元管交參諸目明初卽定人戶以籍爲斷每十年一造黃冊然史志所載或當承平之時而戶口反減際兵燹之後而戶口反增則由有司之編冊未能覈實故也今於宋末及遼金元明各朝戶口之可考者以次類敘而卽民之盈耗可以見世之盛衰爲國之要在於得民不信然歟

戶口丁中

宋寧宗慶元元年正月詔兩浙淮南江東路荒歉諸州收養遺棄小兒

互見
郎門

至開禧元年三月嚴民間生子

棄殺之禁嘉定二年七月詔荒歉州縣七歲以下男女聽異姓收養著爲令

宋史儒林傳曰黃震提舉常平倉

初常平有慈幼局爲貧而棄子者設而名存實亡震爲收哺於旣棄之後不若先其未棄而保全之乃損益舊法凡當免而貧者許里胥請於官而贖之棄者許人收養官出粟給所收家成活者眾

五月詔諸路提舉司修胎養令

互見
郎門

開禧三年正月令兩淮帥守招集流民

欽定續文獻通考卷十二 戶口考

嘉定二年五月詔兩淮荆襄守令以戶口多寡爲殿最

理宗紹定二年五月詔戶絕者許立嗣毋妄籍沒

景定五年時度宗即位兩浙江東西湖南北廣東西福建成都京西潼川夔利路戶五百六十九萬六千九百八十九

口一千三百二萬六千五百三十二

臣等謹接理宗本紀寶慶元年止載兩浙路戶一百九十七萬五千九百九十六口二百八十二萬二千三十三

福建路戶一百七十萬四千一百八十六口二百五十五萬三千七十九餘俱闕漏不盡以兵戰之故也

遼建五京幅員萬里其戶丁之可見者有五京鄉丁諸宮衛戶丁 五京鄉丁者臨潢爲上京丁一十六萬七千

二百遼陽爲東京丁四萬一千四百遼西爲中京丁籍莫考可見者高州三韓一縣丁一萬蕃漢轉戶爲多以上三

應丁二十一萬八千六百兵衛志則析津爲南京丁五十六萬六千大同爲西京丁三十二萬二千七百以上二

云八十八萬八千七百兵衛志則契丹本戶多隸宮帳部族其餘蕃漢戶丁分隸者皆不與爲大約五京民丁可

見者一百一十萬七千三百以細數考之應爲一百一十萬爲鄉兵諸宮衛戶丁者遼國之法天子踐位則置宮衛

分州縣析部族設官府籍戶口備兵馬太祖曰弘義宮正戶八千轉戶七千太宗曰永興宮正戶三千轉戶六千

應丁二千轉戶三千景宗曰彰德宮正戶八千轉戶一萬正承天太后曰崇德宮正戶六千轉戶一萬正穆宗曰延昌宮

興聖宮正戶一萬轉戶二萬興宗曰延慶宮正戶七千轉戶一萬正道宗曰太和宮正戶一萬轉戶二萬正天祚帝

曰永昌宮正戶七千轉戶一萬正孝文皇太弟曰敦睦宮正戶三千轉戶一萬正文忠王府正戶五千轉戶一萬正

正丁二千轉戶三千

凡十二宮一府爲正戶八萬蕃漢轉戶十二萬四千共二十萬四千戶爲正丁十六萬蕃漢轉丁二十四萬八千

凡諸宮衛人丁四十萬八千

互見兵考

臣等謹按遼時戶口史無明文地理志雖載有戶然各郡縣戶總計之不過五十五萬有奇而或詳或闕或云分隸於宮府而無其數今以營衛志戶數參校兵衛志丁數大率以兩丁爲一戶正戶八萬者其丁卽爲十六萬蕃漢轉戶十二萬四千者其丁卽爲二十四萬八千至五京民丁有隸宮府者有不隸於宮府者然每戶亦不過兩丁因五京民丁之可見者止一百一十萬七千三百故五京之戶亦五十五萬有奇也蓋有丁數見於兵志者地理志始載其戶無丁者舉闕之耳

如兵志云上京臨潢縣丁七千地志卽云戶三千五百長泰縣丁八千地志卽云戶四千渤海興仁二縣無丁地志卽不言戶數其餘四京類然不然中京道統縣九轄軍府州城二十三豈有獨載三韓一縣戶丁之理葉隆禮契丹國志謂東京戶口三十萬其說似爲近之餘俱不可考矣

太祖壬戌歲

唐天復二年

七月攻下河東河北九郡獲生口九萬五千

癸亥歲春伐女直獲其戶三百

乙丑歲十月以兵助唐河東節度使李克用擊劉仁恭拔數州盡徙其民以歸

五年正月東西奚五部盡入版籍 先是德祖俘奚七千部徙饒樂之清河哈陶津汗時創爲奚德勒部分十三

縣至太祖卽位後親征西部奚下之復分兵平東部奚於是盡有奚舊之地東際海南暨白檀西踰松漠北抵潢

水凡五部咸入版籍

神册元年七月平突厥吐渾黨項小蕃沙陀諸部俘其戶萬五千六百 至八月拔朔州十一月攻蔚新武嬀儒

五州俘獲不可勝計自代北至河曲踰陰山盡有其地

四年二月修遼陽故城以漢民渤海戶實之 時帝初得韓延徽命參軍事延徽請樹城郭分市里以居漢人之降者又爲定配偶教樹藝以生養之以故逃亡者少

十月破烏爾古部俘獲生口萬四千二百舉部來附

臣等謹按兵衛志載是年親征裕庫呼國俘獲之數與此正同蓋卽一事也

五年十月徙晉天德軍之民於陰山 至六年十一月略檀順安達三河夏鄉望都潞滿城遂城等十餘城俘其民徙內地十二月徙晉新州防禦使王郁所部於潢水之南徙檀順民於東平瀋州

天贊元年十月以戶口滋繁統轄疏遠分北達寧額爲二部立兩節度以統之

三年五月徙薊州民實遼州地

十月盡取西鄙諸部有其衆 初神冊五年党項諸部叛帝親征俘生口二千六百至是復大征吐渾党項準卜等部擊索歡納山東部族破之遣騎攻準卜略地西南又破呼穆蘇山諸蕃部又遣兵踰流沙拔浮圖城西鄙諸部悉爲遼有

天顯元年正月拔渤海扶餘城議括戶口太子倍諫止之 時欲括戶口倍諫曰今始得地而料民民必不安從之既平渤海地方五千里五京十五府六十二州盡有其衆國境益大

太宗時籍五京戶丁以定賦稅

臣等謹按聖宗統和二十五年建中京興宗重熙十三年升雲州爲西京而五京之稱始備此時尙未有也與前

天顯元年種五京同誤

天顯三年

太宗即位
不改元

十二月遣耶律羽之遷東丹民以實東平 初天顯元年渤海平立皇太子倍爲東丹王以

羽之爲中臺省右次相帝卽位羽之上表曰渤海昔畏南朝阻險自衛居輝罕城今去上京遼邈既不爲用又不罷成果何爲哉先帝因彼離心不戰而克天授人與彼一時也遺種寢以蕃息今居遼境恐爲後患梁水之地乃其故鄉地衍土沃有木鐵鹽魚之利乘其微弱徙還其民萬世長策也彼得故鄉又獲美利必安居樂業然後選徒以翼吾左突厥党項室韋夾輔吾右可以坐制南邦混一天下表奏帝嘉納之是歲詔徙東丹國民於梁水其民或亡入新羅女直詔困乏不能遷者許上國富民給贖而隸屬之

臣等謹按義宗傳曰倍既讓位於太宗太宗見疑以東平爲南京徙倍居之盡遷其民又置衛士陰伺動靜是東平之徙實欲制倍耳非僅爲渤海遺民計也

四年二月闕約尼氏戶籍

會同元年十一月晉主以幽薊瀛莫涿檀順僞儒新武雲應朔寶蔚十六州并圖籍來獻

二年十月以烏爾古部水草肥美詔南北院徙三錫林戶居之

九年三月吐谷渾遣使獻生口千戶

大同元年四月得晉歸順州七十六處戶一百九萬一百一十八

臣等謹按五代史石氏入立獻十有六州於契丹而得蜀金州又增置之州一合一百九州以爲晉劉氏之初秦鳳階成復入於蜀隱帝時增置之州一合一百六州以爲漢是晉亡後除四州外其地盡歸於漢此所得七十六

處之戶第就歸順時紀其數耳實未嘗爲遠有也

景宗保寧三年十一月臚胸河裕悅楊尼哩等率戶四百來附乞隸宮籍詔留其戶分隸敦睦積慶永興三宮
聖宗統和元年二月南京統軍使耶律善補奏宋邊七十餘村來附詔撫存之 五月善補又招亡入宋者得千
餘戶歸國詔令撫慰

三年八月令乾顯二州上所部里社之數

四年正月討女直獲生口十餘萬 太平六年二月東京留守巴格奏黃嗣得女直降戶二百七十詔獎勵之至
興宗重熙九年十二月以所獲女直戶置肅州

十月命巡檢西山四州人民 政事令室昉奏西山四州自宋兵後人民轉徙盜賊充斥乞下有司禁止命新州
節度使選人分道巡檢

七年正月破宋易州遷易州軍民於燕京清涼州刺史護送易州降人八百還隸本貫 時宋雞壁砦守將郭榮
率衆來降砦民二百戶徙居檀順三州復分八戶隸飛狐

八年七月詔併省東京路州縣以其民分隸他郡 時置定霸保和宣化洪理廣義長慶安德七縣省州十縣八
九年七月通括戶口 至十五年三月通括宮分人戶二十一年十一月通括南院部民

十三年四月諸道民戶應歷以來脅從爲部曲者仍籍州縣 至興宗重熙十年二月詔博囉滿達部歸哈斯罕
之沒入者使復業

十四年三月詔安集朔州流民

十五年二月徙梁門達城泰州北平民於內地 至二十五年城中京實以漢戶開泰八年五月遷寧州渤海戶於遼土二河之間至興宗重熙時詔徙富民以實春泰二州權中京副留守劉伸以爲不可奏罷之
開泰二年四月詔以韓越所括贍國達魯河奉豪等州戶二萬五千四百有奇置長霸興仁保和等十縣
臣等謹按上統和八年七月置七縣內已有保和地理志亦云統和八年置則此文疑悞
四年四月徙伊濟等部衆於贍胸河 時伊濟既平議內徙其衆伊濟安土重遷遂叛乃誘其衆并達魯特所獲薩木實部民城贍胸河上以居之

興宗重熙八年六月詔括戶口 時以天下無事戶口蕃息遂有南伐之志北院樞密使蕭孝穆諫不報
十二年六月詔漢人宮分戶絕恆產以親族繼之

道宗大康九年六月詔諸路檢括脫戶罪至死者原之 先是朝廷遣使括三京隱戶不得以東京留守耶律音濟代之得四千餘戶至是復有是詔 能吏傳曰馬人望爲三司度支判官會檢括戶口未兩旬而畢同知留守蕭保先怪而問之人望曰民戶若括之無遺他日必長厚斂之弊大率十得六七足矣保先謝曰君慮遠吾不及也

大安三年二月以歲涪饑民多流散除安泊逃戶徵償法

十年六月禁邊民與蕃部爲婚

嘉隆四年正月徙準卜等貧民於山前

天祚帝天慶三年三月籍諸道戶徙達里庫山圍場地居民於別土

金制戶有數等有課役戶不課役戶本戶雜戶正戶監戶官戶奴婢戶二稅戶 有物力者爲課役戶無者爲不課役戶女直爲本戶漢人及契丹爲雜戶明安穆昆之奴婢免爲良者止隸本部爲正戶沒入官良人隸宮籍監者爲監戶沒入官奴婢隸太府監者爲官戶戶以五家爲保戶主推其長充男女二歲以下爲黃十五以下爲小十六爲中十七爲丁六十爲老無夫爲寡妻妾諸廢篤疾不爲丁凡戶口計帳三年一籍自正月初州縣以里正主首明安穆昆則以寨使詣編戶家責手實其男女老幼年與姓名生者增之死者除之正月二十日以實數報縣二月二十日申州以十日內達上司無違近皆以四月二十日到部呈省凡漢人渤海人不得充明安穆昆戶太祖天輔二年六月以善地分處降附新民 時遼通祺雙遼等州八百餘戶來歸命分置諸部擇膏腴之地處之七月遼戶二百來歸處之泰州又詔達嚙噶部貝勒色塔凡降附新民善爲存撫來者各令從便安居給以官糧毋輒動擾六年又命耶律佛密以兵護送諸降人於渾河路以皇弟昂監之從便以居七年以山西諸部族近西北二邊且遼主未獲恐陰相結誘復命皇弟昂與貝勒棚歡等以兵四千護送處之嶺東惟西京民安堵如故且命昂鎮守上京路旣而聞昂已過上京而降人復苦其侵擾多叛亡者遂命貝勒綽爾多往戒諭之比至而諸部已叛去又以明安詳袞留住所領歸附之民遼東京命有司常撫慰且貸一歲之糧其親屬被虜者皆令聚居七月命稽必魯水路等戶登耗之數 詔必魯水路完顏卓哩布渤海大嘉努等六穆昆貧乏之民昔嘗給以官糧置之漁獵之地今歷日已久不知登耗可具其數以聞至三年五月詔咸州路都統司曰兵興以前哈斯罕輝發里與係遼籍不係遼籍女直戶民有犯罪流竄邊境或亡入於遼者本皆吾民遠在異地朕甚憫之今旣議和當行理案可明諭諸路千戶穆昆徧與詢訪其官稱名氏地里具錄以聞

臣等謹按本紀金初千戶多以降將領之收國二年漢人李孝功渤海二哥率衆來降命各以所部爲千戶遼誌州節度使劉宏以戶三千來降以爲千戶是也又其時有萬戶之名詳見兵制

五年以境土旣拓舊部多瘠鹵移其民於泰州先遣皇弟昱及族子宗雄按視其地昱等直其土以進言可種植遂摘諸明安穆昆中民戶萬餘使宗人博勒和統之

六年旣定山西諸州以上京爲內地移其民實之至世宗大定二十五年四月詔於率賓呼爾哈兩路選三十穆昆爲三明安移置於刷達巴罕之地以實上京

七年二月取燕京路盡徙六州民族富強工技之民於內地詔按班貝勒郡縣令皆撫定有逃散未降者已釋其罪更宜招諭之前後起遷民戶去鄉未久豈無懷土之心令所在有司深加存恤毋輒有騷動衣食不足者官賑貸之

太宗天會元年十一月徙遷潤來隰四州之民於瀋州後世宗大定二十一年六月徙銀山側民於臨潢

臣等謹按食貨志云太宗天會元年以舊徙潤隰等四州之民於瀋州之地新遷之戶艱苦不能自存詔民乏食鬻子者聽以丁力等贖之是四州民之徙瀋州乃天會元年以前事與紀異

六年三月命南路軍帥實古訥籍節度使完顏慎思所領諸部及未置明安穆昆戶來上

世宗大定三年八月罷契丹明安穆昆以其戶分隸女直明安穆昆金史曹望之傳曰大定中望之同知西京

留守事上書論便宜事其一論山東河北明安穆昆與百姓雜處民多失業陳蔡汝潁之間土廣人稀宜徙百姓以實其處復數年之賦以安輯之百姓亡命及避役軍中者閭閻其人使還本貫或編近縣以爲客戶或留爲佃

戶者亦籍其姓名州縣與明安事干涉者無相黨匿庶幾軍民協和盜賊弭息書奏多見采納
十二月詔流民未復業者增限招誘

十七年五月釐正伊勒敦部獵戶 省臣奏咸平府路一千五百餘戶自陳皆長白山錫鑿察遜河女直人遼時
竄爲獵戶移居於此號伊勒敦部遂附契丹籍本朝義兵之興首詣軍降仍居本部今乞釐正詔從之

二十年令明安穆昆人戶與漢人錯居 帝謂宰臣曰明安穆昆人戶兄弟親屬若各隨所分土與漢人錯居每
四五十戶結爲保聚農作時令相助濟此亦勸相之道也至章宗明昌二年四月以齊民與屯田戶往往不睦從
尙書省奏許民戶與屯田戶遞相婚姻

二十一年六月命避役之戶舉家逃於他所者元貫及所寓司縣官同罪爲定制 至章宗泰和七年六月敕中
物力戶有役則多逃避有司令以次戶代之事畢則復業以致大損不逃之戶令省臣詳議宰臣奏舊制太輕遂
命課役全戶逃者徙二年賞告者錢五萬先逃者以百日內自首免罪如實銷乏者內從御史臺外從按察司體
究免之

二十二年命括明安穆昆戶口以實籍之 初太祖卽位之二年以三百戶爲穆昆穆昆十爲明安又嘗用遼人
額哩頁以北部百三十戶爲一穆昆漢人王六兒以諸州漢人六十五戶爲一穆昆王伯龍高從祐並領所部爲
一明安熙宗皇統五年又分明安穆昆爲上中下三等海陵天德二年削其名但稱爲諸明安穆昆至帝大定十
五年十月遣官十人分行天下再定明安穆昆戶每穆昆戶不過三百七穆昆至十穆昆置一明安及是以明安
穆昆舊籍不明遇徵軍與諸差役及賑濟增減不以實故有是命

二十三年七月明安穆昆戶口之數 明安二百二穆昆千八百七十八戶六十一萬五千六百二十四口六百

一十五萬八千六百三十六內正口四百八十一萬二千六百六十九在都宗室將軍司戶一百七十口二萬八

千七百九十內正口九百八十二萬七千八百八十八德喀勒唐古二部五紮戶五千五百八十五口十二萬七千五百四十四

口十萬九千四百六十三
數牌口一萬八千八十一

二十五年命宰臣禁有祿人一子及農民避課役爲僧道者 至明昌元年正月又以上封事者言禁自披剃爲

僧道者

二十七年天下戶口之數 大定初天下戶纔三百餘萬至是戶六百七十八萬九千四百四十九口四千四百

七十萬五千八十六

章宗明昌元年天下戶口之數 戶六百九十三萬九千口四千五百四十四萬七千九百至六年十二月天下

女直契丹漢戶七百二十二萬三千四百口四千八百四十九萬四百物力錢二百六十萬四千七百四十二貫

泰和五年五月詔定遼東邑社人數

六月制鎮防軍逃亡致邊事失錯陷敗戶口者罪

七年十二月天下戶口之數 戶七百六十八萬四千四百三十八口四千五百八十一萬六千七十九戶增於

大定二十七年一百六十二萬三千七百一十五口增八百八十二萬七千六十五此金版籍之極盛也至宣宗

興定末河壩爲疆烽燧屢警故集慶軍節度使溫特赫達言亳州戶舊六萬自南遷以來不勝調發相繼逃去所

存者曾無十一碭山下邑野無居民矣

宣宗貞祐三年四月詔有司勿拒河北避兵之民所至加存恤 至元光元年十月以京兆官民避兵南山者多至百萬詔兼同知府事完顏雲等安撫其衆哀宗天興元年正月起近京諸邑軍家屬五十萬口入京以避元兵也

興定元年十二月招逃戶復業 自衛紹王之時軍旅不息宣宗立而南遷死徙之餘所在爲虛戶口日耗軍費日急賦歛繁重皆仰給於河南民不堪命率棄廬田相繼亡去乃屢降詔復業者免其歲之租然以國用乏竭逃者之租皆令居者代出以故多不敢還至是帝欲懸賞募人捕亡已而復慮騷動遂命依已降詔書已免債逋更招一月違而不來者然後捕獲治罪而以所遺地賜人至四年省臣奏河南以歲饑而賦役不息所亡戶令有司招之至明年三月不復業者論如律

金十九路民戶之數

上京路

會寧府戶三萬一千二百七十 肇州戶五千三百七十九 五國州戶一萬一百八十 信州戶七千三百五十九

咸平路

咸平府戶五萬六千四百四十二 州戶一萬五千四百一十二

東京路

遼陽府戶四萬六千四百四十二 登州戶一萬一千九百三十五 濰州戶三萬六千八百九十二 德州戶二萬八千九百六十六 復州戶一萬三千九百五十九

北京路

大定府戶六萬四千四百七十九 薊州戶二萬一千二百九十六 義州戶三萬二千三百五十九 一百二十三 瑞州戶一萬九千九百五十三 廣寧府戶四萬三千一百六十一 懿州戶四萬二千三百五十九

十一

興中府戶四萬九百二十七 建州戶一萬一千四百三十九 全州戶九千三百五十九 廣府戶六萬七千九百七十七 慶州戶二千七百一十一 興州戶一萬五千九百七十九 泰州戶三千五百四十四

西京路

大同府戶九萬八千四百四十四 豐州戶三萬二千六百八十三 安州戶二萬二千二百八十八 昌州戶一千三百八十八 桓州戶五百七十八 撫州戶一萬一千三百八十八 德興府戶八萬八千八百六十八 昌州戶一千三百八十八 宣德州戶三萬二千一百四十七 蔚州戶五萬六千六百七十四 雲內州戶二萬四千八百六十八 盛州戶六千七百七十九

二百

四十一 宣德州戶三萬二千一百四十七 朔州戶四萬四千八百九十 武州戶一萬三千八百五十一 應州戶三萬二千九百七十七 蔚州戶五萬六千六百七十四 雲內州戶二萬四千八百六十八 盛州戶六千七百七十九

二東勝州戶三
千五百三十一

中都路大興府戶二十二萬五千五百九十二通州戶三萬五千九百九十九瀋州戶六萬九千一百一十五易州戶四萬

七百四十八歸州戶六萬九千八百六十六雄州戶二萬四千一百一十一霸州戶四萬一千二百七十六保州戶九萬三千二十一安州戶三萬五千三百三十二遼州戶一萬一千一百七十四安肅州戶一萬二千二百七十六保州戶九

南京路開封府戶百七十五萬四千五百四十六壽州戶一十八萬六千七百七十七陝州戶四萬六千三百六十歸德府戶七萬六千三百八十九

九汝州戶一萬一千三百一十四許州戶八千二百河南府戶五萬五千六百一十三孟州戶二萬六千六百四十九

三十五陳州戶二萬六千一百四十五蔡州戶三萬六千九百三十三息州戶九千八百八十五鄭州戶四萬五千六百五十七潁州戶一萬六千七百一十四宿州戶五萬五千五百八十八鄧州戶八千九百一十二

河北東路千同府戶三萬一千六百九十一千州戶三千六百七十千州戶五萬九千七百九十七冀州戶二萬二千九百三十三千州

五滄州戶一十四萬四千七百七十
四象州戶六萬五千八百二十八

河北西路真定府戶十三萬七千一百三十七威州戶八千三百一十沃州戶三萬八千一百八十五邢州戶八萬二千九百九十二洛州戶七萬三千七百七十彰德府戶七萬七千二百七十六磁州戶六萬三千四百一十

七中山府戶八萬三千四百九十九鄧州戶一萬一千一百一十二滑州戶二萬二千五百七十七

山東東路益都府戶一十一萬八千七百一十八八維州戶三萬九百八十九濰州戶一十一萬八千五百八十九

四十棣州戶八萬六千六百七十五登州戶五萬五千九百一十三監海州戶六萬一千九百三十三

山東西路東平府戶一十一萬八千四百四十六濟州戶四萬八千八百八十四徐州戶四萬四千六百八十九泰安州戶三萬七千二百三十三

萬一千四百三十五德州戶一萬五千
五十三豐州戶一萬二千六百七十七

大名府路大名府戶三十萬八千五百一十一恩州戶九萬九千一百一十六

河北路太鳳府戶一十六萬五千八百六十二蔚州戶三萬三千五百三十一平定州戶一萬八千三百九十五

萬七千六百九十陝州戶七千五百九十二靈化州戶六千一百一十一晉州戶五千八百八十一

河東南路平陽府戶一十二萬六千五百三十九隰州戶一十三萬五千四百四十五吉州戶一萬三千三百二十四

州戶五萬九千四百一十六潞州戶七萬九千二百三十三孟州戶四萬一千五百八十九

京兆府路京兆府戶九萬八千一百七十七商州戶三千九百九十九隰州戶一萬二千二百二十二乾州戶二萬六

鳳翔路鳳翔府戶六萬二千三百二十七秦州戶四萬四千四百四十八隴州戶一萬六千四百四十二

鄜延路延安府戶八萬二千七百九十四丹州戶一萬三千七百三十八保安州戶七千三百四十

慶原路慶陽府戶四萬六千一百七十一原州戶九千五百四十一坊州戶二萬七千七百四十六

臨洮路臨洮府戶一萬九千七百二十一積石州戶五千一百八十五洮州戶一萬一千三百三十七蘭州戶一

臣等謹按以上金史地理志所載十九路戶數約共九百九十三萬九千有奇較前食貨志泰和極盛時數尙多

二百二十五萬五千餘戶兩志互異故並存之

欽定續文獻通考卷十三

戶口考

戶口丁中

元初算賦之制中原以戶西域以丁蒙古以馬牛羊至世祖定戶籍之制則有元管戶交參戶漏籍戶協濟戶於諸戶之中又有絲銀全科戶減半科戶止納絲戶止納鈔戶又有攤絲戶備伊蘇岱爾所管納絲戶復業戶并漸成丁戶

詳見職役考

太宗五年八月括中州戶得戶七十三萬餘至八年六月復括中州戶口計得續戶一百一十餘萬

臣等謹按此金故地所得戶數也地理志謂是時自燕京順天等三十六路戶八十七萬三千七百八十一與此不同考之兵志太宗十三年八月諭總管萬戶劉黑馬據色埒點奏呼圖克等元籍諸路民戶一百萬四千六百五十六戶除逃戶外有七十二萬三千九百一十戶隨路總僉軍一十萬五千四百七十一名點數過九萬七千餘外近因蝗旱民力艱難往往在逃觀此是本紀所書者括籍時實數也地理志所載者除逃戶外之實數也至耶律楚材傳謂呼圖克所括戶一百四萬亦與兵志小異則各就一時聞見者言之耳

八年初定中原戶賦元初惟時進取所降之戶因以與將士自一社之民各有所主不相統攝至是詔括戶口以大臣呼圖克領之民始隸州縣時羣臣共欲以丁爲戶中書令耶律楚材曰不可丁逃則賦無所出以戶定之衆皆曰我朝及西域諸國莫不以丁爲戶豈可舍大朝之法而從亡國之政耶律楚材曰自古有中原者未嘗以丁爲戶若果行之可輸一年之賦隨卽逃散矣帝從楚材之議

七月詔以真定民戶奉太后湯沐中原諸州民戶分賜諸王貴戚
定宗二年十月括人戶

憲宗元年敕諸王不得擅招民戶

二年籍漢地民戶 元史夏更傳曰譚澄爲交城令憲宗二年大籍其民澄盡削交城之不土著者賦以時集
董文炳傳曰時朝廷初料民令敢隱實者誅籍其家文炳爲藁城令使民聚口而居少爲戶數由是賦斂大減
立儒人免丁之令 時料民丁夫額訥格爾贊卜只兒斷事官事中原凡業儒者試通一經則不同編戶著爲令
儒人免丁自額訥格爾始

三年正月括烏魯斯戶口 至八年二月括興元戶口

世祖中統元年立十路宣撫司定戶籍 凡元管交參等戶籍皆於是時定 李昶傳曰世祖初卽位召昶至開
平訪以國事時徵需煩重行中書省科徵稅賦雖道戶不貸昶移書時相曰側聞欲撥丁已戶籍科徵租稅比之
見戶或加多十六七止驗見戶應輸猶恐不逮復令包補逃故必致艱難苟不以撫字安集爲心惟事供億則諸
人皆能之豈聖上擢賢更化之意哉於是省府爲蠲逋戶之賦

三年六月括漏籍老幼等戶協濟編戶賦稅 是月又罷舞陽舊戶藤花戶還之有司七月諸王昌通話江南漏
籍戶五百命付之有司四年十二月敕駒馬阿爾布哈葡萄戶依民例輸賦

八月核實新增戶口措置諸路轉輸法 是月命劉整招懷慶府嘉定等民戶

三年五月詔覈實逃戶戶口增者賞之隱匿者罪之 其後數年西蜀四川行省平章政事賽音諾德齊沙木斯